

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0057667 24
Zenica, 17.09.2024. godine**

**OPĆINSKI SUD U ZENICI
-Sudiji za prethodno saslušanje-**

Na osnovu člana 45. stav 2. tačka i), u vezi sa članovima 241. stav 1. i 410. stav 1. Zakona o krivičnom postupku FBiH (ZKP FBiH), podižem

OPTUŽNICU

Protiv osumnjičenog:

S. Ć., neosuđivan, trenutno se po rješenju Javne ustanove Centar za socijalni rad Grada Zenica od 22.03.2024. godine nalazi u Prihvatnom centru „Duje“, Klokočnica, općina Doboju-Istok, u trajanju od 6 (šest) mjeseci

Zbog postojanja osnovane sumnje da je:

Dana 29.12.2023. godine oko 03.25 sati u stanu u kojem živi u zgradi na trećem spratu u ulici Mejdanžik broj 3, grad Zenica, u stanju neuračunljivosti prouzrokovanom usljed teške i neizlječive duševne bolesti, rezidualne shizofrenie (F20.0), nespretnim i nepažljivim rukovanjem izvorom otvorenog plamena koji je došao u kontakt sa lako zapaljivom materijom koja nalazila u plinskoj boci 190 g, metalnoj boci 1 l i metalnoj boci sa raspršivačem 400 ml, bez svijesti o posljedicama njegovog djelovanja koja se odnosi na prouzrokovanje opasnosti za život ljudi ili imovinu većeg opsega, prouzrokovao dvije eksplozije, jednu manju i jednu veću, koje su uzrokovale požar u stanu u kojem je boravio, a koji požar je lokalizovan i stavljen pod kontrolu od strane pripadnika profesionalne Vatrograsne brigade Zenica istog dana oko 04.00 sati, pri tome nanijevši veliku materijalnu štetu kako u stanu u kojem živi tako i u zajedničkim prostorijama zgrade u kojoj živi i pojedinim stanovima u istoj

Dakle, eksplozijom i požarom izazvao opasnost za život ljudi ili imovinu većeg opsega,

Čime bi počinio protivpravno djelo izazivanje opšte opasnosti iz člana 323. stav 1. Krivičnog zakona FBiH